

佛本行集經

第四十九

三百
基九

49754



佛本行集經卷第四十九

隋天竺三藏法師闍那崛多譯

五百比丘因緣品第五十

尔時諸比丘白佛言希有世尊云何舍利弗
有五百波離婆闍迦刪闍耶弟子已墮邪見
曠野嶮道行顛倒行其舍利弗乃能教化將

詣佛所佛見彼已教捨邪見曠野嶮難於諸
苦中而得解脫作是語已佛告諸比丘汝諸

比丘是舍利弗非但今日將五百刪闍耶弟
子波離婆闍迦墮大邪見曠野嶮路行虛妄
行還復化令來至我所得免邪見虛妄顛倒
於苦惱中而得解脫往昔亦當將領如此五

百人等墮厄難中時舍利弗亦復將導來詣我所我於彼時亦救彼厄免諸苦惱諸比丘言唯然世尊願為解說

尔時佛告諸比丘言我念往昔有一馬王名雞尸形貌端正身體白淨猶如珂雪又若白銀如淨滿月如君陀華其頭紺色走疾如風聲如妙鼓於彼時間閻浮提有五百賁人時諸賁人欲入大海辦具資糧持三千萬種種貨物復持十萬以為資糧擬於道路興販取利復有別財用擬船師如是具辦漸漸而行到大海際即祠海神備諸船舶復雇五人其五人者一者執船二者持棹三者杼漏四者

善巧沉浮五者船師是諸人等又相告語所
有罪過清淨懺悔又復教令入海之法然後
始入求覓珍寶時諸人輩至其海內忽值惡
風吹其船舫至羅刹國時羅刹國其國多有
羅刹之女是時船舶欲到彼國大風飄博船
悉破壞時諸賁人各運手足截流浮去欲詣

彼岸時羅刹女聞彼大海有船破壞羅刹女
等即往救接一時捉得五百賁人共彼賁人
五欲自娛歡喜踊躍時羅刹女已共賁人生
男生女方始將彼諸賁人輩置一鐵城既安
置已變化本形令使端正可喜過人纔不及
夫或作童女或復化作不久嫁形化是身已

香湯澡浴以香塗身著種種衣種種瓔珞莊嚴其身首戴種種妙華天冠一切身處垂諸華瓔以爲旒蘇復以妙華莊校其身華爲瓔珞於華鬘處懸以寶鈴捷疾走行詣賁人所到其所已語諸人言是諸聖子莫有恐也諸聖子等莫有愁也過汝手來過汝臂來過汝腕來是時賁人窮極護命恐怖畏死遂於彼所起實女想與其手臂時羅刹女度諸賁人於大海中旣度之已慈言哀愍語諸賁人善來聖子從何遠來汝等聖子來與我等可爲夫也憐愍我等爲我作主我等今者無人愛念汝爲我等作歸依處除滅我等憂煩愁惱

爲我等輩當作家長我等依法承事汝輩不
令虧失汝諸聖子可來我家以歡喜心受五
欲樂汝等勿憂汝等勿怖一切家業我當備
辦凡有所須我等皆有其海大神必於我所
深生憐愍故將汝輩來我所耳
尔時一切諸賁人輩咸共告彼羅刹女言善
哉姊妹汝等安心可少時任乃至令我當散
愁憂時諸賁人各住一廂其心惻愴舉聲啼
哭或有人言嗚呼父母或有唱言嗚呼兄弟
或復唱言嗚呼姊妹或復唱言嗚呼所愛諸
親眷屬或復唱言嗚呼宗族我等今者已離
親戚或復唱言我等今者離所愛戀或復唱

言嗚呼妙地閻浮境界作如是等悲號啼哭
種種之聲又相告言嗚呼裁忍作是語已各
吐熱氣共相慰喻迭于安心詣羅刹城漸漸
而行未到彼城於其中路見有一所其地寬
廣皆悉平正無有荆棘沙礫瓦石一切塵土
皆悉無有生諸青草其草繁茂甚大臚直可
愛可樂有好樹林其林華菓枝葉扶疏狀若
青雲飄飄垂布是大林處廣大無邊時彼林
所一切樹木我今當說

那迦多摩羅樹迦尼迦羅樹阿濕波他樹尼
拘陀樹烏徒婆羅樹波羅义樹可闍囉樹迦
離囉等種種諸樹

復有種種香花之樹。彌滿彼林。其花樹者。所謂阿題目。多迦花樹。瞻波迦花樹。阿輸迦花樹。波多羅花樹。波利師迦花樹。拘蘭荼迦花樹。拘毗陀囉花樹。檀奴沙迦梨迦花樹。目真隣陀花樹。蘇摩那等種種花樹。彼等諸樹。或始出萌者。或有已成萌者。或復欲開敷者。或已成花。或花開已而萎落者。有如是等香花雜樹。復有種種諸菓子樹。所謂菴婆囉樹。閻浮菓樹。俱闍菓樹。破那婆樹。鎮頭迦樹。呵黎勒樹。毗醯勒樹。菴婆勒樹。有如是等種種菓樹。其諸菓樹。或生或熟。或有成熟始可食者。或有過熟已墮落者。或始花者。復有如是種種諸菓

復有諸鳥遊集其上所謂鸚鵡鸚鵡等鳥俱
翅羅鳥孔雀王鳥迦陵頻伽鳥命命鳥等如
是無量種種諸鳥

復有種種雜華池沼所謂優鉢羅華鉢頭摩
華拘勿頭華分陁利華如是等華彌覆池上
於其池中復有諸鳥所謂鴻鵠鳥雁昆崙鴛

鴛等鳥遊戲池中光嚴彼池觀者欣悅能滅
憂煩其羅刹城四壁潔白狀如軻雪又如冰
山其城在地若遙觀者乃見彼城如白雪隊
從地湧出其諸城上復有樓閣種種却敵周
帀如墻四相隍塹其塹堦上蘭楯圍遶或有
樓閣其樓閣中有諸窻牖復有天宮臺殿堂

閣蘭楯齊整其諸閣道微妙端嚴寶帳幃蓋
彌覆其上其城周而建諸幢幡施設寶案於
香爐中燒諸妙香

今時諸羅刹女將諸賁人向彼城已教脫
舊衣以諸香湯沐浴其體令坐種種妙勝之
座以五欲具而娛樂之五音諸聲於前而作
以如是等種種方便經於久時受大快樂歡
喜悅念迭相娛樂後時彼諸羅刹女等告諸
賁人善哉聖子是城南面不得從彼出向某
處時諸賁人有一賁主智慧深細聰明利見
即生疑念作是思惟以何等故此之諸女斷
我等輩於南面處不聽行過詣於彼所我應

可伺諸女睡卧如是之時尋於此道往至其
女所禁之處次第觀看欲知彼處善惡之事
若其知已即當如事應行方便

余時實主作是念已即伺彼諸羅刹女等卧
睡眠已遂從卧牀安詳而起不令有聲即執
利刃從家而出尋逐意趣漸漸前進至於少
地見一微徑恐怖之所無有草木甚可畏懼
乃聞有人大叫喚聲狀如叫喚大地獄中苦
痛之聲聞此聲已遂大怖畏身毛皆豎嘿然
而住良久喘定漸安身心氣力稍增還詣彼
道漸漸復進其路未遠見一鐵城其城高峻
乃是所聞聲出之處詣彼城已周而巡行而

不見門到於北面見有一樹名曰合歡近城
而生其樹高大出於城上時彼賁王見斯樹
已即上其樹觀看城內見彼城中多有人死
過百餘數或有死者已被食半或命未斷半
身支解或有飢渴逼惱而坐或復消瘦唯有
筋骨眼目欠陷如井底星迷悶在地頭髮蓬
亂塵土坩身甚大羸瘦各相割肉而噉食之
以是因緣作大叫喚如閻羅王所居之處見
諸衆生受大苦惱是大賁王見是事已亦復
如是生大恐怖身毛皆豎時大賁王復經少
時安心定意恐怖稍除氣力漸生即以手提
合歡樹枝而搖動之一枝動已舉樹枝葉牙

相振觸而有聲出

尔時受苦諸人等輩聞是聲已仰觀城上見
彼實主在合歡樹見已悲呼而問之言汝是
誰也爲是天也爲是龍也爲野义也爲軋闍
婆爲阿脩羅爲迦樓羅爲緊那羅爲是摩睺
羅伽爲是帝釋憍尸迦也爲是天尊大梵王
也或能見我在於厄難憐愍我輩故來至此
欲來救拔我等苦也時彼人輩合十拍掌頭
頂遙礼哀泣發聲仰面上觀作如是白善哉
仁者當於我輩生大慈愍脫我此難我等皆
是愛別離人汝今應當濟拔於我作是方便
令我等輩還能到於親愛之所

尔時賁主從彼苦人聞是語已鬱快不樂身心悲惱而報彼言是諸人輩當知我今非是天也亦非龍也乃至我非大梵天也但我等輩從閻浮提興生至此爲求財故入於大海我等將欲至於陸地忽遇大風船舶破散值諸婦女來至我邊濟拔我等從尔已來我輩常共如是諸女歡娛受樂我今云何能濟汝苦是時賁主復問彼言汝諸人等云何忍此受如斯事彼苦人輩即荅言曰善哉善人我等今者亦復如是從閻浮提興販賁估爲所寶故來入大海欲至彼岸遇值惡風吹壞船舶我等彼時亦遭如是羅刹之女濟度彼難

亦復共我受五欲樂但聞汝等有如是聲是
羅刹女即知大海有船破壞於彼之時將我
等輩置鐵城中我等來日行人同伴亦五百
人入此城來已被他食二百五十今唯二百
五十人在我等亦共彼輩和合生於男女彼
羅刹女語言微妙其聲婉媚但彼女等貪食
肉故共生男女悉還食盡汝諸人輩慎莫共
彼受樂娛樂何以故彼甚可畏無愛心故是
時實主復問彼言諸人等輩頗有方便得脫
如此羅刹難不彼即報言有一方便實主復
問方便如何善哉爲說彼等報言十五日滿
四月節會大喜樂日月與昴宿合會之時有

一馬王名曰雞尸

多隋駿云

形貌端正見者樂觀

白如珂貝其頭紺黑行疾如風聲如妙鼓彼
所停處乃有粳米白無糠粃甚大鮮白香美
具足彼馬所食食是米已來詣海岸露現半
身口出人聲而作是言誰欲度彼大鹹苦水
如是三說我今當令安隱得度鹹水彼岸汝
等若值如是馬者得免諸難唯有此事更無
餘也汝等若欲脫諸難者勿泄此言實主復
問汝等頗復曾見雞尸馬王如此已不汝若
見者何不親近汝若親近何不度汝汝初得
聞從誰而聞如此之事虛也實也彼等報言
善哉仁者我從虛空聞如是聲閻浮提內諸

實人輩愚癡無智所以者何不能至彼昴月
交合十五日滿是大節會歡樂之時四月節
中不能詣彼北道而行若行彼處應見馬王
形貌端正觀者無厭食淨粳米從於彼處來
詣海岸露現半身日別三時唱如是言誰欲
度彼大鹹苦水至於彼岸我能安隱度之令
過從於此處得至彼岸衆人聞已而有信者
尋虛空聲詣於北道馬王之所雖往其所不
受彼言而復還歸我等皆由愛羅刹女是故
如此今受是厄是諸實主復問彼言汝等去
來可共詣彼馬王之所彼等報言我欲上城
城即增長掘地欲出其孔還合我等是處無

解脫期我輩必爲羅刹女食何當得見彼親眷屬汝等人輩慎莫放逸隨意所去速詣父母及自眷屬還歸本鄉唯願汝等心意和合我等入輩本生某處某城某邑善哉汝等若至彼處爲我等輩問訊父母及餘諸親朋友知識作是語已復告彼言汝等後時更莫發心向彼大海何以故於大海內有諸恐怖所謂海潮或時黑風水流旋迴佉弥羅魚蛟龍等怖諸羅刹女如是等怖大海之中多種畏難汝等人輩但在彼處以諸方便隨宜活命乃至庸力亦可存濟以是方便得共父母妻子眷屬不復分離能行布施多造福業嚴持

齋戒是時賁主聞彼語已生大恐怖遂即從
彼合歡樹下下彼樹時彼諸人輩一時發聲
叫喚啼哭嗚呼大苦嗚呼極苦閻浮提內微
妙之地何當復能得見彼處我若本知有是
厄難寧住在彼食噉牛糞用爲活命不爲求
財而來此也

尔時賁主既下樹已依著來道還向本處見
彼等輩諸羅刹女猶故睡眠賁主尔時還即
眠卧至於天曉便作是念云何令彼諸賁人
輩得知此事而不令彼羅刹女覺我今若當
輒出是言向彼說者是即漏泄若其漏泄令
彼羅刹諸女聞者恐將我等至厄難處我之

此語應須隱嘿乃至四月臨當節會大歡樂
時馬王來日乃可出言而告彼等所以者何
昔有偈說

凡於知識處

輕陳心實者

其事當泄漏

聞者各各傳

是以怨所得

便受大苦惱

故有智慧者

輒不漏其言

尔時賁王思惟是已隱嘿而住乃至四月歡
樂會時方始告彼諸賁人言善哉諸人汝等
今者慎莫放逸莫生戀著勿生愛心或貪婦
女或貪飲食及餘資財我於汝等極生憐愍
我今密語欲相示告汝諸人輩若見諸女睡
安隱時可共集會同向某處

時諸賈人聞彼賈主說是語已猶如師子在
於山林忽大哮吼有諸凡獸在彼山邊聞其
吼聲生大驚怖各相謂言我等今者未脫大
海可惡之事時彼賈人過彼日已遂至夜內
見彼羅刹一切諸女耽著睡眠安隱而卧私
密盜竊從卧床起各各咸共詣彼期處詣彼
處已白賈主言善哉賈主所見之者願為我
等說或從他聞憐愍我故利益我故願為說
之是時賈主報賈人言汝等知時密於是事
乃能為說彼等報言我等實語聞是事已皆
悉密持

余時賈主即告彼等說前見事諸賈人等從

大賁主聞是事已憂愁不樂甚大暢快恐懼
戰慄白賁主言善哉賁主我等今當宜可速
至彼馬王所願我等輩安置得達閻浮提內
本生之處時諸賁人并及賁主皆共聚集詣
彼雞尸馬王住所
尔時馬王食彼無糠自然粳米清淨香美如
是食已至於海岸露現半身以人音聲而三
唱告誰欲樂度鹹水彼岸我當安隱負而度
之令到彼岸時諸賁人聞彼馬王如是語已
歡喜踊躍身毛皆豎合十拍掌頂礼馬王作
如是言善哉馬王我等欲度樂至彼岸願濟
我等從水此岸達到彼岸

今時馬王告諸賁人汝等當知彼羅刹女不
久應來或將男者或將女者顯示於汝慈悲
哀哭受於苦惱汝等於時莫生染著愛戀之
心汝等若起如此意言彼是我婦彼是我男
彼是我女汝等假使乘我背上必當墮落爲
彼羅刹之所噉食汝等若作如是意念彼非
我許我非彼物非我男女於時汝等設使以
手執我一毛而懸之者我於是時安隱將送
汝諸人輩度彼鹹水達到彼岸作是語已
大馬王告諸賁人汝等今者可乘我背或執
身分脚足枝節時諸賁人或上背者或執枝
節脚足分者今時馬王負彼賁人出哀愍聲

飛騰空裏行疾如風

尔時彼諸羅刹女輩聞彼馬王哀愍之聲復聞之聲狀如猛風忽從睡覺覓彼賫人悉皆不見處處觀看乃遙見彼諸賫人輩乘馬王上或執諸毛鬣驪枝節乘空如去既見是已速將男女馳走奔赴至於海岸發慈愍聲哀

號啼哭作大苦惱各作是言汝諸聖子今者捨我欲何所去今我無主汝是我主汝等於先墮在海難大恐怖中我等度汝唯願汝等與我為夫汝等今者捨背於我欲詣何所汝等今者無恩無義何故相棄而不報恩我等

若當於聖子邊有所違犯今乞懺謝從今已

去不作諸惡汝諸聖子凡善男子不得懷抱
結恨愠恚汝速迴還今何所詣捨離我等諸
聖子輩汝等知其不用我者今此男女可收
將去時羅刹女雖作如是慈流言語雞尸馬
王仍將彼輩五百賁人安隱得度大海彼岸
到閻浮提諸比丘於汝意去何若疑於時鷄
尸馬王豈異人乎勿生異念即我身是五百
人中大賁王者豈異人乎即舍利弗比丘是
也五百賁人豈異人乎即刪闍耶波離婆闍
迦諸弟子等五百人是我於彼時以此五百
諸賁人等至厄難處墮於如是羅刹女邊後
羅刹女復欲將彼隨意處分當於尔時是舍

利弗將詣我所我於彼時救其苦厄得與鹹
水達到彼岸今者還復至刪閣耶邪見曠野
嶮難之中乘虛妄路舍利弗於彼之處示教
化已將詣我所我於邪見曠野之中化今得
脫度生死海諸比丘如來乃往未得佛時能
作如是大利益事是故汝等當於佛所應生
尊重恭敬之心生希有想汝等比丘應如是學
佛本行集經斷不信人行品第五十一
爾時婆伽婆度長老舍利弗及目捷連五百
人等得出家已具足衆戒從摩伽陀國次第
遊行從一聚落至一聚落歷諸村邑隨意而

漸漸歸還到王舍城

摩訶僧祇師
作如是說

其迦葉

佛師復作異說乃言如來至南方山處處遊行而復迴還至王舍城於時多有大力神者有大威力諸善男子於如來所行於梵行於時多人道說毀此各各唱言沙門瞿曇當今我等無有子息令我等輩破家散宅絕我後胤沙門瞿曇已度髻髮一千人等令遣出家沙門瞿曇從刪闍耶波離婆闍迦邊亦復劫奪五百弟子令使出家今者復有摩伽陀國諸大威德大力等諸善男子當至其所行於梵行彼諸人輩見諸比丘來於前者各各說偈而相謂言

是沙門還

踰南山詣此

已度婆闍等

今復將誰去

尔時彼輩諸比丘等聞諸他人說如是偈心生
慚愧便至佛所竹園之內以所聞偈而向佛說
尔時世尊告諸比丘汝等當知如是音聲不
應多時唯至七日七日之後是聲自滅於一
切處無復更聞諸比丘雖復有人向於汝等

說如是偈

是大沙門還

今復將誰去

作是語者汝等應以如此偈答

世尊大丈夫

將人如法去

既有如法行

智者何得違

踰南山詣此

已度婆闍等

爾時彼等諸比丘輩於其晨朝日在東方著
衣持鉢入王舍城乞食之時衆人見者皆說
此偈而相告言

是大沙門還

踰南山詣此

已度婆闍等

今復將誰去

時諸比丘即以彼偈報諸人言

時彼諸人聞是偈已作是思惟沙門釋子凡
所度人教行如法非不如法是故此聲在於
七日過七日已一切皆滅於一切處不復聞也
佛本行集經說法儀式品第五十二
爾時復有衆多外道波離婆闍迦五日五日
恒常集聚爲人說法衆人大集詣彼聽受以

是因緣諸外道輩波離婆闍邊等得大利養
恭敬尊重於彼時問王舍大城摩伽國王頻
婆娑羅於佛法中深生正信作如是念今者
外道波離婆闍邊五日五日恒常集聚為他
說法多有人衆詣彼聽受以是因緣諸外道
輩大得利養世人貴重供養恭敬我於今者
亦集諸師五日五日勸令說法我應自往詣
彼大會彼大會內若見我來時一切人民悉
應來集如是因緣應令我師大得利養世間
尊重思惟是已至於佛所具白斯事

尔時出尊因此起發集比丘僧而告之言汝
諸比丘我今已許五日五日令汝等輩集聚

大會為他說法談論法義時諸比丘白言世
尊何法當說何法不說時諸比丘問此事已
佛告大衆諸比丘言汝等比丘我今已許五
日五日於其中間集聚衆已嘆佛功德嘆法
功德嘆僧功德嘆信功德乃至略說讚嘆戒
行多聞功德嘆行布施歎行智慧歎行知足
歎行少欲歎說頭陀歎說遠離聚落城邑常
在空閑歎行妙行讚嘆利益歎行精進讚嘆
供養父母尊長供養沙門及婆羅門讚嘆供
養諸善知識嘆說善言讚嘆調伏諸根門者
讚嘆節量諸飲食者讚嘆初夜及以後夜省
睡眠者讚生正念讚相奉事讚相諮問讚聞

領悟讚受師教而不違背聞已奉行讚聞法
已而能正知讚聞正法順法而行嘆說念佛
嘆說念法歎說念僧歎說念天讚說念施歎
念寂滅嘆念阿那波那嘆說念身讚嘆恒念
不淨觀想歎念飲食作不淨想讚歎世間不
可樂想讚無常想讚苦空想讚無我想讚歎
斷想讚離欲想讚歎滅想及以讚歎觀白骨
想讚嘆骨離想讚嘆臃脹想讚嘆欲壞想讚
嘆半散想讚嘆散想讚半燒想讚燒赤想讚
可惡想亦應讚嘆念諸功德亦應讚歎四正
勤四如意足五根五力七覺道分讚解脫門
諸解脫分讚八勝處讚嘆三明亦應讚說六

通功德

佛本行集經卷第四十九

基

珂軻上苦何反 紺反古暗 販反方万 祠音詞 棹反直教 杼

漏上音序又 飄反疋苗 纚音腕 腕反烏貫 惻愴上側反昌

狀反初 裁忍上音 迭反徒結 臃反羽恭 扶蔬上音符

踈愛隼 愛二字 音鴻鵠 上音紅 下鳥 符音 嶮音 論

敵徒的 隍壑上音皇 下毒反 岸正下 梢反時尹 牖音

悅念下音 伺反相寺 穴陷下音 蓬亂正上 薄紅反

崇觸上直 快於向 商估下音 婉媚下上 紆阮反

昂宿上音 糠糲上音 康下音 鹹鹵下音 泚音 掘

其物其訊 訊音二 信同 涎洄下音 似宜反 蛟龍上音

備力上音哮吼上呼交反醜下含反暢快

作上正戰慄下力睡覺下音鬚鬣上子紅反慍

及紆運紫些些音紫遠字騰脹下上知向反



